

## NI UBUHE BUTUMWA URIKIKO RW'ARUSHA (TPIR) RUHA ABACIKACUMU

### RYA JENOSIDE YAKOREWE ABATUTSI ?

Aho bigeze, aho kuba umututsi naba umutwa!

---

Umuyobozi wa Ibuka, Dr Dusingizemungu [ [1](#) ],

Yagize ati "Byadutangaje cyane kumva irekurwa ry'abo basirikare...muzi neza ukuntu inzego za gisirikare na Gendermerie zitwaye muri Jenoside, iyo bagize abere abantu nka Ndindiliyimana baba bashaka gutanga butumwa ki koko ?"

- Yakomeje avuga ko binabababaje kumva iyo nkuru ku Rukiko rw'Umuryango Mpuzamahanga wagakwiye
- kuba utanga ubutabera bunoze, byongeye noneho kugirwa abere bikaza mu gihe u Rwanda rurimbanyije kwitegura kwibuka ku nshuro ya 20 Jenoside yakorewe Abatutsi. Ibyo Dusingizemungu asanga nta cyo bifasha abantu[bahuye n'ingaruka za jenoside] kwiyubaka.



Burya koko «agahinda ntikica...», iyaba kicaga nta mucikacumu rya jenoside yakorewe abatutsi uba ugihumeka. Ariko uzi kugirango ube uzi neza umurozi wakumazeho ababyeyi, abavandimwe, inshututi n'urubyaro... abe ari we ugutegeka kujya wirirwa umubyinira..., kandi unabikore uriguseka ? Batutsi, nabakuriye ingofero pe ! Mufite koko kwihangana gukabije no kubika mu nda.

Bacikacumu, muri iki gihe cy'icynamo cyo kwibuka abanyu kizamara umwaka wose, ndasaba abanyarwanda bose kwifatanya namwe, babivanye ku mutima, muri ako kababaro n'agahinda.

Impamvu y'iyi nyandiko rero ni ukugirango twifatanye na Dr Dusingizemungu kwibaza ku butumwa TPIR, nubwo atariyo yonyine [ [2](#) ] [ [3](#) ] gusa, ishaka kugeza ku bacikacumu rya

jenocide yakorewe abatutsi (A) n'impamvu ibutanze «mu gihe u Rwanda rurimbanyije kwitegura kwibuka ku nshuro ya 20 jenocide yakorewe Abatutsi.» (B)

#### **A. UBUTUMWA BWA TPIR : «UMWANZI W'UMUNTU NI UWO MURUGO RWE»**

Iri ni ijambo ry'Imana. Ngo «bafite amaso ariko ntibareba, bafite amatwi yo kumva ariko ntibumva. Urwango n'ubwibone bwabo byabahindiye ibipfamatwi n'impumyi». Amagambo «aryoha asubiwemo» : «**Muri Mata 1994, Jacques Bihozagara yarambwiye (Ambasaderi JMV Ndagijimana) ati: «Abatutsi bo mu gihugu bashyigikiye Habyarimana igihe kirekire, bagaragaza batyo uruhande babogamiyeho.»** bagomba gutsembanwa n'abahutu kugirango abari hanze tubone aho kuzororera inyambo zacu. [ 4 ] Ntawasumbya umututsi Ruzibiza kumenya ukuri. [ 5 ]». Ibi bisobanura ibintu 2 by'ingenzi :

##### **a. Abahutu n'abatutsi babaga mu Rwanda mbere ya jenocide bahuje akababaro.**

Mperutse kwandika ko «no mu Rwanda haba amashyaka ya politiki abiri gusa, kuva rwabaho : Ishyakatutsi n'Ishyakahutu»[ 6 ]. Kubera icyo nyandiko, hari «abiyita abatutsi» bandakariye cyane, barambwira bati «kuki ushaka kuzura akaboze?» Narabasubije nti Samweli Lyarahoze yemeranya n'ubutegetsu bwa Kagame ko «mu Rwanda nta moko ahari». Haba abafite ingufu, b'inyaryenge n'inshakura bashakira kurya byinshi cyangwa byose bitwa «ABATUTSI» bibumbiye mu Shyakatutsi. Abo ni nka Kagame, Mushikiwabo, Rucagu, Habumuremyi, Bazivamo, Makuza, Ntawukuriryayo ... Hari n'abanyanteye nke, abarengana, abakene, ... basaba abafite ingufu kudohora, bahehenda, bapfukamira abarya byose cg byinshi guhaho abarikwicwa n'inzara. Abo ni bo bitwa «ABAHUTU» bibumbiye mu Shyakahutu nka T Rudasingwa, V. Ingabire, B. Ntaganda, Kayumba Nyamwasa, Samweli Lyarahoze, ... n'abakene bese Kagame n'agatsiko ke bagize abagaragu imbere mu gihugu.

Icyo abanyarwanda batazi cyangwa biyibagiza nkana ni uko abahutu benshi cyane bahunganye n'umwami n'ibyegera bye kuko bari mu Shyakatutsi. Ntibazi kandi cyangwa biyibagiza nkana ko abatutsi batahunze... bari mu Shyakahutu rya G. Kayibanda.

Birumvikana ko abo batahunze, bakayoboka ingoma mputu «bari abanzi» b'Ishyakatutsi rya Rukeba na Kagame. Ni byo Bihozagara yibukije Ndagijimana : «**Muri Mata 1994, Jacques Bihozagara yarambwiye (Ambasaderi JMV Ndagijimana) ati: «Abatutsi bo mu gihugu bashyigikiye Habyarimana igihe kirekire, bagaragaza batyo uruhande babogamiyeho.»** bagomba gutsembanwa n'abahutu kugirango abari hanze tubone aho kuzororera inyambo zacu.

Iyo Bihozagara aba umuhutu aba yarabwiye Ndagijimana ati abatutsi mwasigaye mu Rwanda muri abagambanyi.

##### **b. Impamvu zihariye zatumye Kagame n'agatsiko ke batanga abatutsi bari mu Rwanda.**

Hari izivugwa na Kagame we ubwe [ 7 ] ko «umugambanyi» wese agomba kwicwa. Hari n'izindi zivugwa na Berinari Lugani [ 8 ] ko jenocide yakorewe abatutsi ari umusingi w'ubutegetsu bwa Kagame n'agatsiko ke.

**Izivugwa na Kagame n’agatsiko ke.** Kwanga gukurikira umwami n’ibisonga bye [ [9](#) ], ukemera gutegekwa n’abagaragu ni ukugambana bikomeye. Ni icyaha gikomeye kuko ari ugusuzugura imana ihitamo ubwoko, umuryango n’umwami uvukana imbuto bigomba gutegeka, bikica bigakiza uwo bishaka, ibihe bidashira. **Kagame rero uvuka mu miryango y’abami b’u Rwanda ni byo yakuze yigishwa.** Kuri Kagame u Rwanda ni we, ni ubwoko bwe, ni ubutegetsu bwe, ni ubwami. Umuntu wese ubarizwa muri ibyo bice akitandukanya na byo, kubera imyimvure ye aba atatiye igihango. Ni umugambanyi ugomba kwicwa aho ari hose. Kagame rero yatanze abatutsi, na n’ubu aracyabica urwa Karegeya, kandi yarahiriye kuzabica igihe cyose batatiye igihango, bakagambana bifatanyaga n’abagaragu babo, abahutu. Ngicyo kimwe mu bintu bikomeye abatutsi bayobotse ingoma mputu bazize. Kagame ati «sinaha igihugu imbwa». Yongeyeho ati V. Ingabire «ntaburere n’amateka agira» kuko atavuka mu mu bwoko no miryango y’abami n’abamikazi b’i Rwanda. Kagame asoza agira ati na Kikwete «utangiyeye kubavugira» nzamuritura!

Ikindi cyatumye Kagame n’agatsiko ke batanga abatutsi ni ishyari [ [10](#) ]. Ariko Kajeguhakwa, Rwigara Asinapolo, Majyambre Silasi, Rubangura, ... murasetsa na ko muri ibigori! Ubwose mwibwira ko umwana w’umwega Kagame wakuriye Nakivala atunzwe n’impungure gusa na zo zidahagije... naho mwe mwibereye mu magorofa, murya umuceri n’inyama, mugasozaho vino... yari kubakunda ra... ngo ni uko muri «za matutsi»? Ubwo se mwibwira ko iyo mwahuraga mugaritse amadigi, uruhu rwanyu rubengerana nk’urw’uruhinja,... abana b’inyenzi n’abuzukuru bazo batabahekenyeraga amenyo? Umugani wa Kagame «mwararenzwe» maze mugambanira uwabahaye amata, Yuvenali Habyarimana n’abo mwasangiye akabisi n’agahiye b’abahutu.

Umwana w’umwega rero ntakina. Yabatanzeho igitambo ngo yifatire ubutegetsu none arashaka gusubizaho ubwami bw’Abega agasimburwa na Cyomoro cyavukanye imbuto!

**Izivugwa n’abashakashatsi Lugan na Strizek. Abatabizi rero, Jenoside yakorewe abatutsi ni umusingi w’ubutegetsu bwa Kagame naho amagufa y’abacu ni imitsindo yabwo.** Imitekereze n’umugambi wa wa Kagame n’agatsiko ke mu gutanga abatutsi bari mu Rwanda usobanurwa neza n’umudage Dr. Strizek [ [9](#) ] ati: «Kagame yakoze ibishoboka byose kugirango abicwaga badatagarwa. Mu mutwe we harimo jenoside yakorewe abayahudi. Yatekerezaga ko agize amahirwe abatutsi bari mu Rwanda bese bakicwa bagashira, bikemezwa ko habayeho jenoside yakorewe abatutsi yaba atsinze urugamba». Strizek arangiza avuga ati ibyo Kagame n’agatsiko bakoze ni «Ibikorwa bya Satani»!

Ingabo za Habyarimana, MINUAR, Ambasaderi JMV Ndagijimana na F. Twagiramungu wari uhagarariye opozisiyo ntacyo batakoye ngo barengere abicwaga. Ariko Kagame n’abanyamerika baranga [ [11](#) ]. B. Lugan yanzura agaragaraza ko ari yo mpamvu Kagame n’agatsiko ke **bakunda byasaze jenoside yakorewe abatutsi** kuko ubutegetsu bwabo no kwemerwa kwabo mu rubuga rw’amahanga nk’abababwira b’ibyamamare bishingiye kuri yo.

Aha ntawakwiyibagiza ko mu iyicwa ry’abatutsi, imirambo yabo irundwa ku mihanda nk’amasiteri y’inkwi, Kagame yarabifitemo inyungu za gisirikari zigaragara. Ni ho yahereye avuza indura, nyamara **arukurira ayingona**, ngo abahutu barigukoreraga jenoside abatutsi. Ariko akangira, agatsembera abamubwiraga bati reka tujye kubatabara! Muri aka kazi

k'amashitani «abatekinisiye» ba Kagame bagize uruhare rukomeye mu kwerekera ibira by'abahutu uko batema amajosi nk'abagesa amasaka nk'uko biherutse kwemezwa n'uwahoze ari maneko wa Kagame, Mjr Micombero [ 12 ] guhera kuri 18'- 25' no guhera kuri 35'.

Impamvu TPIR ifunguye ukuriye abahutu, Jenereli Augustin Ndindiriyimana, hagati mu gihe cyo kwibuka no kunamira abacikacumu ni ukubwira abatutsi n'abanyamahanga batazi ukuri bati «va ku giti, dore umuntu».

## **B. BATUTSI, MUVE KU GITI DORE UMUNTU!**

Mu by'ukuri abacamanza ba TPIR batanga «impanuro» ebyiri. Bariyama Kagame n'agatsiko ke (a), baranasaba abatutsi bose babuze ababo muri jenocide yabakorewe gufata ingamba za kigabo bagashikiriza ubutabera umwanzi wabo w'ukuri. (b)

### **a. Kagame n'agatsiko ke nibarekeraho kubyina ku mubyimba abacikacumu!**

Berinari Luga ati «muri iyi sabukuru y'imyaka 20 jenocide yakorewe abatusi ibaye, Kagame n'agatsiko ke bari gutitira kuko **ibimenyetso byose bihari ubu bigaragaza nta gushidikanya ko ari bo bayiteye.**» Ni yo mpamvu bazamuye ijwi no gutera ubwoba mu bikorwa bitatu : abahutu bose bagomba kwemera icyaha cya jenocide muri gahunda ya ndi umunyarwanda ; icyanamo kigomba kumara umwaka wose ; kwica umuntu wese ushaka kugaragaza ukuri.

Abahutu bose bagomba kwemera icyaha cyakozwe na Kagame n'agatsiko ke [ 13 ]. Kagame n'agatsiko ke batekereza ko abahutu bose nibemezwa icyaha bagasa n'aho babyemeye ubwabo, bakanasaba n'imbabazi ko ari bo bateguye, bagatangiza ndetse ko ari bo banze ko abicwaga batabarwa bitazabazwa agatsiko kabikoze, ahubwo bizabazwa ababyiyemereye. Wa mugani ngo «biyemereye icyaha» nta rundi rubanza nk'uko Amerika «yatekinitse Kambada Yohani», «akibuka bitereko yasheshe! Mbese koko aho ibihe bigeze iryo turufu rizakora ? Njye mbona **bizaterwa n'uko ababuze ababo muri jenocide bazabyifatamo.**

Kugirango Kagame n'agatsiko ke bagaragare nkaho bakunda abatutsi, barengera inyungu z'abacikacumu, bategetse ko icyanamo kigomba kuzamara umwaka wose. Aha naho ni ukugirango akomeze gucengeza mu tangazamakuru mpuzamahanga ko jenocide yakorewe abatutsi iruta izindi zose zabayeho kandi ko ari igihangange kuko ari we «wayihagaritse». Gusa imyitwarire ya Kagame n'agatsiko ke, ku bize ubushakashatsi bw'abanyabyaha (criminologie) bibahamya icyaha aho kubagira abere. Ngo umunyacyaha aboneka buri gihe ahabereye icyaha, ahasura... ngo yumve ibihavugirwa. Kandi ngo nushaka kumenya umwana wakosheje, uzamubwirwa n'uko yitanguranwa ngo «sinjye wabikoze». Kagame n'agatsiko ke ni byo bibereyemo!

Naho kuba Kagame ashaka kwica umuntu wese [ 14 ] ushaka kugaragaza ukuri, birumvikana. Kuko iyo Karegeya, Kayumba, Micombero, Rudasingwa... n'abandi batutsi bavuga ko Kagame n'agatsiko ke ari bo bahanuye indege ya Habyarimana bagatangiza jenocide, baba «**barigutuka icyabavanye mu bucakara**»: Jenocide yakorewe abatutsi irakarama, nisugire nisagambe kandi izahore yibukwa ibihe bidashira kuko hari abo yavanye mu bucakara!

Kubera ibi bikorwa byose rero, TPIR ifunguye Ndindiriyimana igamije «gucubya» ubukana bwa Kagame yafashe agamije gukomeza kubeshya abatutsi n’abanyamahanga. TPIR irikubwira «Kagame n’inzego ze» ngo nimurekeraho kubeshya twarabamenye.

**b. Ababuze ababo nibahaguruke barwanye umwanzi wabo w’ukuri.**

Hari interuro eshatu zituma nubaha Perezide w’u Rwanda Pawulo Kagame : «Injiji ziba mu bize»; « Mu Rwanda nta kudeta ishoboka ubu, kudeta zari izo mu gihe cya Habyarimana»; « Nta bwoko ku Isi bugira ubuntu nk’abanyarwanda, batanga amafaranga yabo ntibanabaze icyo azakoreshwa». Kuri izi nteruro uko ari eshatu ndongeraho iyanjye imwe ya kane. **Nta bwoko ku Isi nabonye bw’ «ibigoryi» nk’Abatutsi!**

None se hari ahandi kuri iyi Si mwigeza kubona abantu baririmbira, bakabyinira, bakamamaza umuntu wabiciye ababyeyi, abavandimwe, inshuti n’abana kandi babizi neza nkuko abatutsi b’i Rwanda babikora?

Igihe nari mu Buganda, mu 2003, nahahuriye n’umucikacumu twarituziranye mu Rwanda mbere ya jonoside arigusaba ubuhingiro muri icyo gihugu. Mu gihe twarimo «tuyaga», nakanyujijemo mubwira «indo» nti «ari ko shya ... urabona ko abatutsi ari abagome gusumbye abahutu?» Na we ati «kubera iki?». Ndamusubiza nti «none se ku butegetsi bwa Habyara... ntiwaryaga, ukaryama, ukarongora ... wariwarigeze uhunga?» Na we mukunsubiza yankuriye inzira ku murima ati «**icyo abatutsi twese twemeranyaho ni uko aho gutegekwa n’imbwa z’abahutu, twakwemera tugategekwa na Kagame tuzi neza ko yateguye jenoside yacu, akayitangiza, akanga n’uko twatabarwa.**» Nararuciye ndarumira. Magingo aya.

Kuri iyi mitekerereze y’abatutsi ni ho mpera mvuga nti « aho bigeze ubu, aho kuba umututsi naba umutwa ». Urugero ni nka Luwiza Mushikiwabo bivugwa ko Kagame ari we wishe musaza we LANDO ariko NTIBIMUBUZE kwirirwa «amusigatiye» [ 15 ]

Ndakwinginze, ongera wumve ubu buhamya bwa Musonera.



Baca umugani ngo «umukobwa aba umwe ... agatukisha bose». Ariko iyo bigeze ku wundi uvuga ga ngo «akamasa kazaca inka kazivukamo » mpita ntekereza Abatutsi n’umwami wabo Pawulo Kagame [ 16 ]. Nta kaga, nta muvumo uba mubi nko kumva abahisi n’abagenzi bavuga bati «so ni umujura, araroga, ni umwicanyi ruharwa,...» nk’ibivugwa ubu kuri «SE» w’abitwaga IMFURA kera, abatutsi.

Iriya nteruro nzayisiba mbonye Ibuka itakibyinira ngo inasingize Kagame kubera ngo «yahagaritse jenoside yakorewe abatutsi».

**TWANZURE.**

Kuba Paul Kagame n'agatsiko ke baratanze abatusi ho igitambo nta we ukibishidikanyaho. Ikibabaje ni uko abenshi muri bo bakimubyinira. Urugero ni nka Mushikiwabo n'abacikacumu bibumbiye muri Ibuka. Ibi byo kubyinira umwicanyi ubizi neza ni byo abantu basanzwe, batari ibimanuka, badasobanukirwa.

Abacamanza ba Arusha na bo ntibasobanukiwe n'iyi myitwarire ya gitutsi. Gufungura Ndiririyimana mu gihe cyo kwibuka rero ni ukwibutsa mu kinyabupfura abatutsi umwanzi wabo w'ukuri uwo ari we, kandi ko bagomba kwikubita agashyi bakitandukanya na we.

Ndagira ngo nibutse Dr. Dusingizemungu ko **abatutsi babaga mu Rwanda mbere ya jenocide bari «abanzi» kimwe n'abahutu b'Inyenzi-nkotanyi**. Ikibabaje ni uko bamwe mu bahutu b'injiji baragiye bica inzirakarengane z'abatutsi babahora ibitero by'Inyenzi-nkotanyi. Ikindi kibabaje ni uko bamwe mu batutsi b'injiji bari mu Rwanda bakurikiye «akarimi ka muhekura» k'Inyenzi-nkotanyi, nkuko Micombero JMV abisobanura neza, nuko bamwe muri bo bakitanga, abandi batanga abana babo n'amafaranga byo gushyigikira umwanzi wabo muri ubwo bujibwe bakarwanya abo basangiye akabisi n'agahiye, abahutu.

Ngo «igisiga cy'urwara rurerure cyimennye inda». Ingaruka z'ubu bujibwe bwa bamwe muri twe ni **jenocide nemera yakorewe abanyarwanda, abahutu n'abatutsi, bari mu Rwanda muri 1994** ikozwe na Kagame n'agatsiko ke k'abicanyi kabuhariwe.

Icyo nyuma Dr. Dusingizemungu n'abacikacumu batagomba kwiyibagiza ni uko kuva mu mwaka w' 1959 kurinda zifata ubutegetsi mu 1994, Inyenzi-nkotanyi **zashakishije jonocide yakorerwa abatutsi nk'iturufu** ryo kwaka ubutegetsi «rubanda-nyamwinshi» kurinda **ziyibonye**. Ni wo «mutego w'umwanzi» Habyarimana yahoraga yibutsa abanyarwanda mu gihe cy'imvururu. Uwo mutego ni «abatekinisiye» b'abakomando bo guteranya abari inshuti zigasubiranamo, bica abantu nka Gatabazi, Gapyisi, Bucyana,..batega mine na grenades, maze umwanzi-rusahuriramunduru akabona icyaho cyo kwisubiza ubutegetsi. Umutego ni ukuvanga inzirakarengane **n'abasirikari badashinzwe kuzirinda** kugirango izo nzirakarengane zibe «intego ya gisirikari yo kuraswaho».

Uwo mutego **abahutu n'abatutsi** babaga mu Rwanda mbere ya jenocide bawuguyemo Kagame n'agatsiko ke bamaze kwivugana Habyarimana. Kandi ntibyaribyoroshye na mba kuwusimbuka cyangwa kuwutegura.

Wowe ubyumva gute ?